

110年東門國小校內語文競賽客家語朗讀文章（海陸腔）

編號 1 號

【避暑】葉美伶原作

鳳凰樹榮榮、細細个花開到鬧熱煎煎，日頭緊來緊烈，企在樹下看往上，晟到人擘目毋開，長下還聽得著樹頂蟬仔，「知了～知了～知了～」，放勢牯唱等這隻季節正有个歌曲。

逐年這下係最快樂个時節！等學期結束，放寮該下，阿爸會送轉莊下摺講客个阿公、阿婆培養感情。戴在莊下無冷氣，毋過，闊闊个瓦屋當涼，若係暗晡頭特別熱个時節，阿婆就會擎支扇仔摺撥涼，撥啊撥仔，毋多知就睡忒咧。老屋面前有一隻當闊个禾埕，阿婆講頭擺係晒穀用个，這下穀收成後直接載去穀倉焙，毋使日頭晒，也毋驚下晝頭个風時水。阿婆講著頭擺艱苦个日仔，成時還會偷偷仔掙目汁。這下禾埕變成停車場咧，下把仔¹係晒菜脯、晒鹹菜乾个好所在，也係兜細人仔伴个遊樂場。

大門口種有一頭蓮霧樹，總係打到當結，歸樹襪襪吊吊。逐年到這時節就像摺講：「歡迎光臨！為著你煞猛打子，就像阿公、阿婆心肝肚恁恁个愛，望等子孫轉來。」屋面前還有一條圳溝歸日泉水流流流流，這下還捉得著蝦公，阿婆講就算天旱七毋

¹ 下把仔：音 ha⁺ ba⁻ er；有時候。

使驚，泉水分恁个恩情恁愛知好惜。在烈烈个日頭下，最清涼个享受係去泔水仔、覓蜆仔、捉蝦公、搞相戽水，在收成後个田肚窯仔、搞騎馬打戰、份家啦，這兜全部都分摺細人仔伴搞到歡喜露天，也係避暑快樂个生活。

一目，讀小學三年生咧，阿姆安排避暑去補習。逐日關在冷氣間肚，歸隻人像拉緼²个弓，身材變到又高又瘦，也變到較白淨，歸日像極樂仔樣挨無停。想阿公、阿婆个莊下；想蓮霧還等等去摘；想摺隔壁鄰舍个細人仔伴共下搞園人尋。

阿爸講，恁个客家人最重要个兩件事：讀書摺耕種。人講「晴耕雨讀」，所以，愛出頭天讀書第一重要。毋過，阿爸也會擲工載全家大細轉去看阿公、阿婆。其實，最毋盼得个係，無法度逐日聽著阿公、阿婆講佢該量時好聽个客家古。

（選自 110 全國語文競賽客家語朗讀文稿）



² 緼：音 hen；緊。

110 年東門國小校內語文競賽客家語朗讀文章（海陸腔）

編號 2 號

【鬧熱个落水天】曾菁怡原作

鬧鐘鈴～鈴～鈴～響咧！大嫲聲喊 遽遽趺床，再過忍床就會赴毋掣去學校讀書咧。目西西伸手撒忒鬧鐘，又過橫落舒適个眠床，毋盼得摻佢分開。欸！毋係天光咧？外背仰還係暗摸胥疏？探頭看出去，原來係天公派烏雲使者來通知兜——愛落水咧！

有人認為落水天係麻煩天，出門愛著水衣，無就摯遮仔，係無細義，衫褲又會涿到溼漉漉仔，去哪就毋方便。學生仔最惱無法度出去打球仔、搞寮，一下課先生就掌等，麼人都做毋得出去涿水，所以一看啊著落水，大家就唉唉唧唧，目盯盯仔看等雨水號等歸隻運動坪，實在還慍悴哦！

毋過，落水天對來講顛倒係盡鬧熱个日仔。朝晨頭一出門，滿街路就係淦淦个車仔，這片嘩嘩；該片叭叭，像久見个朋友相借問樣，大家相賽講起恁久無看著个思念。該兜行路个人，摯等一支支遮仔花，分雨水一滋潤，就開出五彩个花來，行來行去像比麼人个花較靚。你係聽較真兜，該雨水打在車頂、屋頂、水窟抑係樹葉仔頂高个聲音全部無共樣，有高、有低；有大聲、有細聲，像唱歌仔分你聽樣。成時，雷公還會用 燼打燈光，用響雷伴奏，你講，係毋係已生趣？

當好在落水天打早就去學校，因為該兜平常時囡核核个蚰螺、蟲蟻全部都會趁出來搞水。學校圍牆係紅毛泥作个，壁頂个溜苔青里里仔，落水該下，蚰螺爬上爬下陣打陣，有个相賽看麼儕爬較遽，有个彎來幹去做起畫圖个藝術家，又有个停跔在圍牆

頂高享受涿水个清涼，逍遙自在。

落水天出來搞寮个蟲蟻盡好膽，衫褲無著就緊拚拚仔出來搞水，溝壚肚朗朗滾个水流已刺激，幾尾蟲蟻分水冲過去還會搖來擺去，暢到奈毋得。有个蟲蟻大學摯仔趁到路町來，較砸身个還做得趁轉去；較慍个將就橫在路徑頭，分天公做主咧！

鬧熱个落水天，有人懊惱，有人歡喜，天公無法度分逐儕納意，佢俚就愛自家改變想法，不管麼个天都係盡好个天。

(選自 110 全國語文競賽客家語朗讀文稿)

